



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1400. usque ad annum 1415 - Unacum Dissertatione
Præliminari Ad Historiam Sæculi XV.

Fleury, Claude

August. Vind. [u.a.], 1767

VD18 90118286

§. 72. Rupertus Bavarix Dux Imperator electus.

[urn:nbn:de:hbz:466:1-66281](https://nbn-resolving.org/urn:nbn:de:hbz:466:1-66281)

jussu denuo in vincula conjectus, Viennam sub custodia Alberti Austriaci delatus est. Verum & ibidem opitulante quodam Piscatore, quem dein Equitem creavit, fuga elabitur. Tandem omnibus his nil proficientibus, Electores eum deponere decernunt, & die 20. Augusti 1400 in illum exauctorationis & privationis Imperii sententiam pronuntiant, quam Elector Moguntinus præsens aliis duobus Electoribus Ecclesiasticis, Ruperto Bavariae Duce, Friderico Brunsvicensi, & Norimbergæ Burggravio publice prælegit.

§. LXXII.

Rupertus Bavariae Dux Imperator electus.

*D. Marten.
Anecd. dot.
to. I. p. 1634.
Gobelin.
Person.
Cosmod. 1.6.
c. 7.*

Post promulgatam Wenceslai depositionem Electores convenere in Brunsvico - Luneburgicum Ducem, egregium sane Principem, ac rei militaris peritissimum. Verum cum ipse paulo post a Waldeko Comite

mite nefarie occideretur, Rupertum III. Bavariæ Ducem, qui sexta post hebdomada Francofurtum ad Mænum ingressus erat, elegerunt, qua urbe, aliisque pluribus in fidem suam receptis, anno sequenti anno 1401. in festo Epiphaniæ coronatus fuit Coloniae, eo quod Aquisgranenses, apud quos ex more inaugurari debuisset, illum ad urbem admittere, ac Imperatorem agnoscere detrectarent, Bohemis insuper, aliisque constanter Wenceslao adhærentibus. Nihilominus Rupertus paulo post electionem suam Bonifacio datis literis significat, spondetque solemnem legationem, quæ sanctitati suæ ampliorum de omnibus hac in re gestis notitiam delatura esset. Pariter Electores ad Papam, ejusque Cardinales scripserunt, exauctorationis Wenceslai causas exponentes. Nil dicam in præsentiarum de itinere Ruperti in Italiam, ubi solemniter coronari, & ditiones, quas Wenceslaus Joanni Galeatio Mediolanensium Duci cesserat,

ferat, recuperare meditabatur. Hinc inter utrumque Principem dirum accendebatur bellum, sed copiis Rupertii cæsis, ipse, quin coronari potuerit, primo vere anni sequentis in Germaniam redire compulsus est. Hæc sunt, quæ ad intelligentiam rerum Sæculi XV, quod ordimur relatu necessaria duximus.



SUM.